

## DRINN & DRAUST

Irgendwas is do draust  
Des fuid se net guat o  
Irgendwas lauert da draust  
Und schaut noch ob i no ko

Irgendwas is do draußt  
Des schleicht so umanand  
Des deut auf an Abgrund hi  
der wart scho lang auf mi

**Solangs do draußt so dunkel is  
loß i an Vorhang zua  
I geh net naus, des duat koa Guat  
und loßt mir doch koa Ruah**

Solangs in mir so dunkl is  
kon i mi net zoang  
Solangs in mir net heller wead  
bin i nirgends dahoam

Irgendwos is in mir drinn  
Des derf auf koan Foi raus  
Des is no vui vui schlimma  
Wia dea Ungeist hintn drauß  
Ja irgendwos is in mir drinn  
Vor dems ma sovui graust

Seit langa scho verfoigt me wos  
I kim der Gschicht net aus  
schaue eam ind Augn net nei  
hoids me vo hintn ei  
lose eam einfach sein Lauf  
dann frißts mi langsam auf

